
XXVIII.

Instruction du Prince d'Orange pour Godefroy de Haastrecht, Sr. de Druynen, avec suscription en hollandais: „Instructie van wegen myns Ghen. Heeren mijns Heer [den] Princen van Oraengien, Grave van Nassau enz. voir Joncker Godefroy van Haastricht, Heere van Druynen enz. angaende tgene hy van zyne Ex^e wegen seggen ende vercleeren sal Joncker Diederycken Snoey, den Heer van Huchtenbrouck, Mrⁿ Jacoben van Wesenbeke ende den Borgerm. van Gorcom sijnde tot Wezel.” *Entreprises sur diverses villes. Henri Wessels. Popko Ufkens, envoyé de la Comtesse d'Emden. Impression du 2^d livre de l'Histoire de Wesenbeke. — Brit. Mus. Cotton Mss. Galba C. IV, 80 (84).*

1570, le 11^e Octobre.

1. In den iersten, aengesien dese tegenwoirdige zaken Goidts ee[re] ende glorie aengaen, ende dat sonder zyne Goddelycke Ma^t in deselve saken egheene voirderinge geschieden en mach [ist] zyne Ex^e begheerte dat men Hem continuelijck ende sonder op[houden] bidden sal,

¹ Notice de Wesenbeke.

dat hy syne Goddelycke gratie ende ghenade [daer] te gheven wil opdat alle saken mogen geschieden tot zyn glorie ende onser sielen salicheyt.

2. Ten anderen, alzo kennelijck genooch is in groot dangier ende perycle dat daerinne is indien des saken int openbaer quam begheert zyne Ex^e dat men die soe secret houde als moege[lijck] wordt sonder dat te veele lieden te vercleeren, waertoe zyne Ex^e raetsaem vijndt dat men op dit passe nyet en handele met eenige cleyne steden, maer alleenlijck mett[en] principaelen, als naementlijck Deventer, Zuytphen, C[ampen], Utrecht, Enckhuysen, Hoorn, Delft, Briel, Rotterd[am], Dordrecht ende Loevenstain. Ende maken dat men van di[en] mach versekert zijn, verhopende alsdan angaenden anderen te min zwaricheyt sijn sal.

3. Aengaende Zuytphen, Deventer ende Campen zyne Ex^e h[eeft] hem wel willen adverteren hoe dat Henryck Wossels is alhier by syne Ex^e geweest, ende heeft beloest d[ese] voirsz. drye steden zyne Ex^e te leveren binnen den XX[i] dach van Novembre naest commende begherende dat men tselve nyemant sunderlinx te kennen en gheve, zoe dunckt zyne E[x^e] geraden dat men hem vercleere wyen dat men al van deser saken gesproken heeft, opdat hyt weete, ende metten selven wyders communicere indien hy wilt, indien nyet, dat men hem laet voir doen, nochtans heeft zyne Ex^e hem belast, in der saken nyet voort te varen, tot hy breeder bevel van zyne Ex^e heeft ende dat hy binnen drye weken syne Ex^e advertere in wat state dat die saken sijn, hoewel hy alreede van zyne Ex^e die commissien daertoe geexpedieert heeft. Begerende syne Ex^e dat men hem insgelijcx advertere op welcken tijt men die andere aenslagen soude mogen te wercke stellen om des te gevuechelycker voirts te varen.

4. Belangende die stadt Utrecht, aengesien Wesenbeke op dit passe gheen breeder bescheet daervan gescreven en heeft, en weet syne Ex^e noch ghene resolutie daerop te gheven, hoewel dattet een van de voirneemste

steden is, daer men eenigh dinck mode soude mogen uuytrichten.

5. Voer soo veele angaet den aenslach op Enckhuysen ende Hoorn, dunckt zyne Ghenade, dat men denselven met vijff oft zeshondert mannen lichtelijck sal connen uuytrichten, aengesien men gelyckelijck den aenslach doen sal op Campen, Briel ende het eyland Vorn. Welcken aenslach wel succederende sal men den anderen altijd te beter mogen te helpe commen, principalijck indien men het eylandt Voorne met Dordrecht ende Delft inno becomen can, waerdoer men in het geheele Waterlandt nyet en soude hebben te bevreesen. Soe dunckt zyne Exe dat men mochte employeren sesse ofte seven schepen om te volbringen den aenslach van Enckhuysen ende Hoorne, ende metten resterenden schepen ende knechten soc veele als men conde overcommen, mocht men versoucken het eylandt van Voorne, Delfft, Rotterdam ende Dordrecht, ende tselve nyet succederende mochten die selve schepen gaen naer Enckhuysen, gelycker wys oock souden doen de crijchsluyden die men daer mochte stellen, om Deventer ende Campen inne te neemen indien denselven aenslach oock nyet voorts en ghinck.

6. Begheert voorts syne Exe dat men hem adverteere wat middel daer wesen mach om eenige merckelycke somme gelts te becommen opdat by faulte van dien egheen achterstel en gheschiede om den steden met ruyteren ende knechten te hulpe te commen.

7. Ende alsoe onlanx by syne Exe geweest is zeker edel[man] uuyt Vrieslandt genaempt Popco Ufkens, gelyck den h[eer] van Druynen bekendt is, begheert syne Exe dat men goede correspondentie metten selven houde, aengesien dieselve van wegen der Gravinne van Emden by syne Exe gesonden is geweest, ende is oock by deselve Gravinne ende Drossart van Emden in goede achtinge.

8. Roerende de brieven daer Wesenbeke van scrijft aen de Gravin ende Drossart voirsz. heeft zyne Exe die metten voirsz. Popco Ufkens gescreven gelyck die He[er] van Druynen wel weet.

9. Nopende den middelen by henlieden begroepen ende die Wesenbe[kø] zyne Exe overgesonden heeft, vijndt syne Exe seer goet.

10. Aengaende de roeren die Aert Vorbeke leveren soude, bedanckt zyne Exe denselven Verbeke grootelijck van zyne goe[de] affectie ende indien hij die leveringē doen wilt, is zyne Exe tevreden hem daertoe te gheven duysent dallers ghereet indien sylieden weeten waer syne Exe die nemen ende ontfangen soude mogen ende van de reste wilt zyne Exe hem wel assigneren op het ranconnement van de schepen zoe wanneer zyne Exe weet zekerlijck wat hy voir zu[lck] paert hebben sal.

Zijn

11. Belangende den stormhouden die en begheert zyne Exe nyet, zoe m[aer] zy den coop van de roeren maken, soe maer als sy connen ende dieselve [....] en gevallen syne Exe nyet al te wel midts dat zy voirwichtich, ende zy mochten met hem handelen op twee daelders voir d[e] roeren oft op twee dallers een oort.

12. Aengaende dat Wesenbeke scrijft van te doen drucken zynen twee[den] bouck, zyne Exe zal hem dacrop beraden.

13. Voersoeveele eenige zwaricheyt maken in den collecten, zyne Exe en wilt nyemandt dwingen, sal nyet te min brieven sryven in den steden daer die collecten ghescieden. Ende sall men ondertusschen mogen noteren denselven onwilligen.

14. Aengaende die stadt Delft sal syne Exe die commissien metten iersten doen depescheren gelijck als Wesenbeke scrijft.

15. Nopende die steden van Brabant dunckt syne Exe beter te sijn dat men daarmede noch ter tijt op-houde, opdat alle saken des te secretelycker blyven mogen.

Ghedaen by zyne Exe tot Dillenberch opten Xjen dach van Octobri 1570.

16. Ende hoewel zyne Exe Henrycken Wessels alreede die commissie gegeven heeft, aengesien nochtans zyne Exe die sake noch zeer rouw vijndt begheert deselve

syne Ex^e dat zy hem heure moyninge hier op seynden oftet geraden dochte dat men die sake aengrype oft noch ter tijdt stille staen, adverterende meteenen zyne Ex^e wat zy hier van hooren.

17. Syne Ex^e heeft die commissie aengaende die stadt Enckhuysen enz. laeten alleenlijk stellen op Joncker Diederich Snoey, midtsdien zyne Ex^e gheerne Huychtenbrouck gebruycken wilde int faict van Utrecht.

18. Syne Ex^e begheert dat men hem advertere wat ende hoeveel schepen die Hertoge van Alva noch mach hebben in Hollant ende Zcelandt, naerdats die coninginne vertrocken is.

GUILLAUME DE NASSAU.

